



O'ZBEKISTON RESPUBLIKASI VAZIRLAR MAHKAMASINING QARORI

2021 yil « 24 » dekabr

№ 773

Toshkent sh.

Пилла етиштирувчи жисмоний шахсларга улар томонидан етиштирилган пилла (хўл пилла) ҳосили учун субсидия ажратиш тартиби тўғрисидаги низомни тасдиқлаш ҳақида

Ўзбекистон Республикаси Президентининг “Республикада мавжуд яйловлардан унумли фойдаланиш, ипак ва жунни қайта ишлашни қўллаб-қувватлаш бўйича қўшимча чора-тадбирлар тўғрисида” 2021 йил 8 июлдаги ПҚ–5178-сон қарори ижросини таъминлаш, шунингдек, пилла етиштирувчи жисмоний шахсларга улар томонидан етиштирилган пилла (хўл пилла) ҳосили учун субсидия ажратиш соҳасидаги муносабатларни тартибга солиш мақсадида Вазирлар Маҳкамаси қарор қилади:

1. Ўзбекистон Республикаси Президентининг “Республикада мавжуд яйловлардан унумли фойдаланиш, ипак ва жунни қайта ишлашни қўллаб-қувватлаш бўйича қўшимча чора-тадбирлар тўғрисида” 2021 йил 8 июлдаги ПҚ–5178-сон қарорига мувофиқ **2022 йил 1 январдан бошлаб:**

2025 йил 1 январга қадар ҳар йили хонадонларда пилла етиштирувчи жисмоний шахсларга етиштириладиган пилла (хўл пилла) ҳосилининг бир килограмми учун **5 минг сўм** миқдорида Ўзбекистон Республикаси республика бюджети ҳисобидан субсидия ажратилиши;

етиштириладиган пилла (хўл пилла) ҳосилининг бир килограмми учун Ўзбекистон Республикаси Давлат бюджети ҳисобидан ажратиладиган субсидия Ўзбекистон Республикаси Ипакчилик ва жун саноатини ривожлантириш қўмитаси томонидан берилиши белгиланганлиги маълумот учун қабул қилинсин.

2. Қуйидагиларни назарда тутувчи **Пилла етиштирувчи жисмоний шахсларга улар томонидан етиштирилган пилла (хўл пилла) ҳосили учун субсидия ажратиш тартиби тўғрисидаги низом** иловага мувофиқ тасдиқлансин:

пилла (хўл пилла) ҳосили учун хонадонларда пилла етиштирувчи жисмоний шахсларга Ўзбекистон Республикаси республика бюджети ҳисобидан субсидия ажратиш;

Ўзбекистон Республикаси Ипакчилик ва жун саноатини ривожлантириш қўмитасининг таклифларига асосан келгуси йил учун бюджет параметрларини шакллантиришда тегишли маблағларни ажратиш;

пиллачилик кластерлари ва ипак қурти уруғчилик ташкилотлари туман (шаҳар) “Агротилла” МЧЖлар билан биргаликда субсидия олувчиларнинг туман (шаҳар) манзилли рўйхатини шакллантириш;

пиллачилик кластерлари ва ипак қурти уруғчилик ташкилотлари ўз махсус ҳисобварақларидаги субсидия учун тушган маблағларни субсидия олувчиларнинг фақат банк карталарига, агар банк картаси очилмаган бўлса, банкда уларнинг номларига очилган банк ҳисобварақларига ажратиши;

пиллачилик кластерлари ва ипак қурти уруғчилик ташкилотлари субсидия бериш мақсадида ўтказиб берилган маблағнинг фойдаланилмаган қисмини Ўзбекистон Республикаси Ипакчилик ва жун саноатини ривожлантириш қўмитасининг алоҳида шахсий ғазна ҳисобварағига қайтариши тартиби.

3. Ўзбекистон Республикаси Молия вазирлиги 2022 йилдан бошлаб бюджет параметрларини шакллантиришда мазкур қарорни амалга ошириш билан боғлиқ зарур маблағларни Ипакчилик ва жун саноатини ривожлантириш қўмитасига ажратиб борилишини таъминласин.

4. Мазкур қарорнинг бажарилишини назорат қилиш Ўзбекистон Республикаси Бош вазирининг аграр ва озиқ-овқат соҳаларини ривожлантириш масалалари бўйича ўринбосари Ш.М. Ғаниев зиммасига юклансин.

**Ўзбекистон Республикасининг
Бош вазири**



А. Арипов

Вазирлар Маҳкамасининг
2021 йил 24 декабрдаги 773 сон қарорига
илова

**Пилла етиштирувчи жисмоний шахсларга улар
томонидан етиштирилган пилла (хўл пилла) ҳосили
учун субсидия ажратиш тартиби тўғрисида
НИЗОМ**

1-боб. Умумий қоидалар

1. Ушбу Низом пилла етиштирувчи жисмоний шахсларга улар томонидан етиштирилган пилла (хўл пилла) ҳосили учун Ўзбекистон Республикаси республика бюджети ҳисобидан субсидия ажратиш тартибини белгилайди.

2. Мазкур Низомда қуйидаги асосий тушунчалар қўлланилади:

ипак қурти уруғчилик ташкилотлари – уруғлик пиллаларни қабул қилиб, ундан ипак қурти уруғларини тайёрловчи ташкилотлар;

пилла (хўл пилла) – ипак қуртларини парваришлаш натижасида олинадиган маҳсулот (дастлабки ишлов берилмаган, ғумбаги хўл ҳолдаги пилла хомашёси);

пиллачилик кластерлари – пилла хомашёсини қабул қилиб олувчи ва уни қайта ишловчи ташкилотлар;

субсидия олувчилар – ипак қуртини парваришлаб етиштирилган пиллани (хўл пилла) пиллачилик кластерлари ва ипак қурти уруғчилик ташкилотларига етказиб берувчи жисмоний шахслар (ўн саккиз ёшга тўлган Ўзбекистон Республикаси фуқаролари);

субсидия – ипак қуртларини парваришлаб етиштирилган пилланинг ҳар бир килограмми учун қурт боқувчиларга қайтармаслик шарти билан Ўзбекистон Республикаси республика бюджети ҳисобидан бериладиган пул маблағлари.

3. 2022 йил 1 январдан бошлаб 2025 йил 1 январга қадар ҳар йили хонадонларда пилла етиштирувчи жисмоний шахсларга ипак қуртларини парваришлаб етиштириладиган пилла (хўл пилла) ҳосилининг бир килограмми учун 5 минг сўм миқдорида Ўзбекистон Республикаси республика бюджети ҳисобидан субсидия ажратилади.

4. Субсидия олувчиларга улар томонидан етиштирилган пилла (хўл пилла) ҳосили учун субсидия ажратиш ушбу Низомга 1-иловада келтирилган схемага мувофиқ амалга оширилади.

3-боб. Субсидия ажратиш шартлари ва тартиби

5. Ўзбекистон Республикаси Ипакчилик ва жун саноатини ривожлантириш қўмитаси (кейинги ўринларда – Қўмита) “Ўзбекипаксаноат” уюшмаси билан

биргаликда пиллачилик кластерлари ва ипак қурти уруғчилик ташкилотлари таклифларига асосан келгуси йилда пилла етиштириш ҳажми бўйича прогноз параметрларини ишлаб чиқади ҳамда **ҳар календарь йилнинг 20 июлига қадар** келгуси йилда етиштириладиган пилла (ҳўл пилла) ҳосили учун субсидия ажратиш мақсадида бюджет параметрларини шакллантиришда инобатга олиш учун Ўзбекистон Республикаси Молия вазирлигига тақдим қилади.

Етиштириладиган пилла (ҳўл пилла) хомашёси етиштиришнинг асосий мақсадли кўрсаткичлари доирасида субсидия маблағлари ҳар бир вилоят бўйича ажратилади.

Ўзбекистон Республикаси Молия вазирлиги Ипакчилик ва жун саноатини ривожлантириш қўмитасининг таклифларига асосан келгуси йил учун бюджет параметрларини шакллантиришда зарур маблағлар Қўмитага ажратилишини кўзда тутди ва **ҳар календарь йилнинг 1 февралига қадар** мазкур йил учун бюджет параметрларида кўзда тутилган маблағларни Қўмитага ажратиб боради.

6. Пиллачилик кластерлари ва ипак қурти уруғчилик ташкилотлари туман (шаҳар) “Агропилла” МЧЖлар билан биргаликда субсидия олувчиларнинг туман (шаҳар) манзилли рўйхатини ушбу Низомга 2-иловага мувофиқ шакллантиради, қурт боқувчилар билан шартнома тузади, таҳлил қилади ва умумлаштиради.

Субсидия олувчиларнинг туман (шаҳар) манзилли рўйхати пиллачилик кластерлари, ипак қурти уруғчилик ташкилотлари ва туман (шаҳар) “Агропилла” МЧЖлар раҳбарлари томонидан имзоланган ҳолда **ҳар календарь йилнинг 25 февралига қадар** Қўмитанинг ҳудудий бошқармасига тақдим қилинади.

Субсидия олувчиларнинг туман (шаҳар) манзилли рўйхати тўғри тузилишига пиллачилик кластерлари, ипак қурти уруғчилик ташкилотлари ва туман (шаҳар) “Агропилла” МЧЖлар раҳбарлари масъул ҳисобланади.

7. Қўмитанинг ҳудудий бошқармаси бошлиғи “Ўзбекипаксаноат” уюшмаси тизимидаги вилоят ҳудудий “Агропилла” МЧЖ раҳбари билан биргаликда туманлар (шаҳарлар) манзилли рўйхатларини таҳлил қилади ҳамда умумлаштирган ҳолда субсидия олувчиларнинг ташкилотлар ва туманлар (шаҳарлар) бўйича ҳудудий манзилли рўйхатини ушбу Низомга 3-иловага мувофиқ (кейинги ўринларда – ҳудудий манзилли рўйхат) шакллантиради.

Ҳудудий манзилли рўйхат Қўмитанинг ҳудудий бошқармаси бошлиғи томонидан тасдиқланади ва **ҳар календарь йилнинг 1 мартига қадар** Қўмитага тақдим қилинади.

Ҳудудий манзилли рўйхатнинг тўғрилиги ва асосланганлиги учун Қўмитанинг ҳудудий бошқармаси бошлиғи ва “Ўзбекипаксаноат” уюшмаси тизимидаги вилоят ҳудудий “Агропилла” МЧЖ раҳбари шахсан жавобгар ҳисобланади.

8. Қўмита **ҳар календарь йилнинг 10 апрелига қадар** шакллантирилган рўйхат бўйича пиллачилик кластерлари ва ипак қурти уруғчилик ташкилотларида

очилган махсус ҳисобвараққа (23202) зарур маблағларни субсидия олувчиларга улардан сотиб олинган пилла учун ҳисоб-китобларни амалга ошириш вақтида тўлаб бериш мақсадида ўтказиб беради.

9. Пиллачилик кластерлари ва ипак қурти уруғчилик ташкилотлари ўзларининг махсус ҳисобварақларидаги субсидия учун тушган маблағларни субсидия олувчиларнинг фақат банк карталарига, агар банк картаси очилмаган бўлса, банкда уларнинг номларига очилган банк ҳисобварақларига ажратиб беради.

10. Қўмита рақамли иқтисодиётни ривожлантириш ва маълумотлар шаффофлигини таъминлаш мақсадида етиштирилган пилла (хўл пилла) ҳосили ва ажратилган субсидия миқдори бўйича тегишли маълумотларни расмий веб-сайтида очиқ маълумотлар бўлимида доимий равишда тақдим этиб боради.

11. Пиллачилик кластерлари ва ипак қурти уруғчилик ташкилотлари субсидия олувчилардан қабул қилинган пилла хомашёсининг ҳажмлари ва уларга ажратилган субсидиялар тўғрисидаги маълумотларни ушбу Низомга 4-иловага мувофиқ шаклда Қўмитага тақдим этади.

Бунда маълумотлар пилла етиштиришнинг:

биринчи ва иккинчи мавсумлари учун – ҳар календарь йилнинг **1 июлига қадар**;

учинчи ва тўртинчи мавсумлари учун – ҳар календарь йилнинг **1 октябрга қадар** тақдим этишлари зарур.

12. Қўмита маълумотларни таҳлил қилади ва умумлаштиради. Таҳлил натижасига кўра, субсидия бериш мақсадида ўтказиб берилган маблағнинг фойдаланилмаган қисмини қайтариш юзасидан пиллачилик кластерлари ва ипак қурти уруғчилик ташкилотларига ёзма талабнома юборади.

13. Пиллачилик кластерлари ва ипак қурти уруғчилик ташкилотлари талабнома тушган кундан бошлаб **10 иш куни ичида** кўрсатилган маблағларни Қўмитанинг алоҳида шахсий ғазна ҳисобварағига қайтаради.

14. Қўмита **ҳар календарь йилнинг 1 ноябрга қадар** пилла етиштириш мавсумларига жалб қилинган субсидия олувчилар ҳамда уларга ажратилган субсидия тўғрисидаги маълумотларни Вазирлар Маҳкамасига киритиб боради.

4-боб. Яқунловчи қоидалар

15. Субсидия бериш бўйича юзага келадиган низолар томонлар ўртасида музокаралар ўтказиш орқали ҳал қилинади.

Низоларни музокаралар ўтказиш орқали ҳал қилиш имкони бўлмаса, низолар суд тартибида ҳал қилинади.

16. Ушбу Низом талабларининг бузилишида айбдор бўлган шахслар қонунчилик ҳужжатларида белгиланган тартибда жавоб берадилар.

Пилла етиштирувчи жисмоний шахсларга улар
томонидан етиштирилган пилла (хўл пилла) ҳосили учун
субсидия ажратиш тартиби тўғрисидаги низомга
1-илова

**Пилла етиштирувчи жисмоний шахсларга улар томонидан етиштирилган пилла (хўл пилла) ҳосили учун субсидия ажратиш
СХЕМАСИ**

Босқичлар	Субъектлар	Чора-тадбирлар	Муддатлар
1-босқич	Ипакчилик ва жун саноатини ривожлантириш қўмитаси	“Ўзбекипаксаноат” уюшмаси билан биргаликда пиллачилик кластерлари ва ипак курти уруғчилик ташкилотларининг таклифларига асосан келгуси йилда пилла етиштириш ҳажми бўйича прогноз параметрларини ишлаб чиқиб, келгуси йилда етиштириладиган пилла (хўл пилла) ҳосили учун субсидия ажратиш мақсадида бюджет параметрларини шакллантиришда инobatга олиш учун Ўзбекистон Республикаси Молия вазирлигига тақдим қилади.	Ҳар календарь йилнинг 20 июлига қадар
2-босқич	Молия вазирлиги	1. Ипакчилик ва жун саноатини ривожлантириш қўмитасининг (кейинги ўринларда – Қўмита) таклифларига кўра келгуси йил учун бюджет параметрларини шакллантиришда тегишли маблағлар Қўмитага ажратилишини кўзда тутди. 2. Ҳар календарь йили бюджет параметрларида кўзда тутилган маблағларни Қўмитага ажратиб боради.	Ҳар календарь йилнинг 1 февралига қадар
3-босқич	Пиллачилик кластерлари, ипак курти уруғчилик ташкилотлари	1. Субсидия олувчиларнинг туман (шаҳар) манзилли рўйхатини шакллантиради ва курт боқувчилар билан шартнома тузади. 2. Субсидия олувчиларнинг туман (шаҳар) манзилли рўйхатини имзоланган ҳолда Қўмитанинг ҳудудий бошқармасига тақдим қилади.	Ҳар календарь йилнинг 25 февралига қадар
4-босқич	Қўмитанинг ҳудудий бошқармаси	1. “Ўзбекипаксаноат” уюшмаси тизимидаги вилоят ҳудудий “Агропилла” МЧЖ раҳбари билан биргаликда туман (шаҳар) манзилли рўйхатларини таҳлил қилади ҳамда умумлаштирган ҳолда субсидия олувчиларнинг ташкилотлар ва туманлар (шаҳарлар) бўйича ҳудудий манзилли рўйхатини шакллантиради. 2. Ҳудудий манзилли рўйхат Қўмитанинг ҳудудий бошқармаси бошлиғи томонидан тасдиқланиб, Қўмитага тақдим қилинади.	Ҳар календарь йилнинг 1 мартига қадар
5-босқич	Қўмита	Шакллантирилган рўйхат бўйича пиллачилик кластерлари ва ипак курти уруғчилик ташкилотларида очилган махсус ҳисобвараққа (23202) маблағларни субсидия олувчиларга улардан сотиб олинган пилла учун ҳисоб-китобларни амалга ошириш вақтида тўлаб бериш мақсадида ўтказиб беради.	Ҳар календарь йилнинг 10 апрелига қадар

6-босқич	Пиллачилик кластерлари, ипак курти уруғчилик ташкилотлари	Ўз махсус ҳисобварақларидаги субсидия учун тушган маблағларни субсидия олувчиларнинг фақат банк карталарига, агар банк картаси очилмаган бўлса, банкда уларнинг номларига очилган банк ҳисобварақларига ажратиб беради.	Ўн иш кунида
7-босқич	Қўмита	Етиштирилган пилла (хўл пилла) ҳосили ва ажратилган субсидия миқдори бўйича маълумотларни расмий веб-сайтида, очик маълумотлар бўлимида доимий равишда тақдим этиб боради.	Доимий равишда
8-босқич	Пиллачилик кластерлари, ипак курти уруғчилик ташкилотлари	Субсидия олувчилардан қабул қилинган пилла хомашёси ҳажмлари ва уларга ажратилган субсидиялар бўйича маълумотларни Қўмитага тақдим этади.	Биринчи ва иккинчи мавсумлар учун – 1 июлига қадар Учинчи ва тўртинчи мавсумлар учун – 1 октябрга қадар
9-босқич	Қўмита Пиллачилик кластерлари ва ипак курти уруғчилик ташкилотлари	Субсидия бериш мақсадида ўтказиб берилган маблағнинг фойдаланилмаган қисмини қайтариш юзасидан пиллачилик кластерлари ва ипак курти уруғчилик ташкилотларига ёзма талабнома юборади. Кўрсатилган маблағларни Қўмитанинг алоҳида шахсий ғазна ҳисобварағига қайтаради.	Талабнома тушган кундан бошлаб 10 иш куни ичида
10-босқич	Қўмита	Пилла етиштириш мавсумларига жалб қилинган субсидия олувчилар ҳамда уларга ажратилган субсидия маблағлари миқдори тўғрисидаги маълумотларни Вазирлар Маҳкамасига киритиб боради.	Ҳар календарь йилнинг 1 ноябрга қадар

Пилла етиштирувчи жисмоний шахсларга улар
томонидан етиштирилган пилла (хўл пилла)
ҳосили учун субсидия ажратиш тартиби
тўғрисидаги низомга
2-илова

Субсидия олувчилар рўйхати ва ажратилиши кутилаётган субсидия миқдори бўйича жадвал
НАМУНАСИ

Т/р	Корхонанинг номи	Туманининг номи	Қурт боқувчилар			Шартнома бўйича		Талаб қилинадиган субсидия миқдори, минг сўм
			Ф.И.О.	Паспорт маълумотлари (серияси рақами, ким томонидан берилган)	Жисмоний шахнинг шахсий идентификацион рақами (ЖШШИР)	тут ипак қурти парваришlash, қути	тирик пилла етиштириш, кг	
1								
2								
3								
...								

Пиллачилик кластери раҳбари

имзо/муҳр

Ф.И.О.

Ипак қурти уруғчилик ташкилоти раҳбари

имзо/муҳр

Ф.И.О.

Туман (шаҳар) “Агропилла” МЧЖ
раҳбари

имзо/муҳр

Ф.И.О.

"ТАСДИҚЛАЙМАН"
Ипакчилик ва жун саноатини
ривожлантириш қўмитасининг
худудий бошқармаси бошлиғи
_____ Ф.И.О.
202_ йил " __ " _____

Пилла етиштирувчи жисмоний шахсларга улар
томонидан етиштирилган пилла (хўл пилла)
ҳосили учун субсидия ажратиш тартиби
тўғрисидаги низомга
3-илова

_____ вилоятида 202_ йилда етиштириладиган пилла (хўл пилла) учун талаб қилинадиган
субсидия миқдори тўғрисида жадвал
НАМУНАСИ

Т/р	Корхонанинг номи	Туманининг номи	Шартнома бўйича		Талаб қилинадиган субсидия миқдори, минг сўм
			тут ипак қурти парваришlash, қути	хўл пилла етиштириш, кг	
1					
2					
3					
...					

Вилоят худудий "Агропилла" МЧЖ раҳбари

имзо/муҳр

Ф.И.О.

"ТАСДИҚЛАЙМАН"

Ипакчилик ва жун саноатини
ривожлантириш қўмитасининг
худудий бошқармаси бошлиғи

_____ Ф.И.О.

202__ йил " __ " _____

Пилла етиштирувчи жисмоний шахсларга улар
томонидан етиштирилган пилла (хўл пилла)
ҳосили учун субсидия ажратиш тартиби
тўғрисидаги низомга
4-илова

**Пиллачилик кластерлари ва тут ипак қурти уруғчилик қорхоналари томонидан хўл пилла қабул қилиб олинган
субсидия олувчилар рўйхати ва уларга амалда ажратилган субсидиялар тўғрисидаги маълумотлар
НАМУНАСИ**

Т/р	Қорхонанинг номи	Туманнинг номи	Тут ипак қурти боқувчиларнинг Ф.И.О.	Жисмоний шахснинг шахсий идентификацион рақами (ЖШШИР)	Ҳақиқатда етиштирилган хўл пилла, кг	Ажратилган субсидия миқдори, минг сўм
1						
2						
3						
...						

Вилоят худудий "Агротилла" МЧЖ раҳбари

имзо/муҳр

Ф.И.О.

Пиллачилик кластери раҳбари

имзо/муҳр

Ф.И.О.

Тут ипак қурти уруғчилик ташкилоти раҳбари

имзо/муҳр

Ф.И.О.

